

გილოცავთ ახალ, 2025 წელს!



გარეჯის მაცნე

საგარეჯოს მუნიციპალიტეტის საინფორმაციო გაზეთი №1-2(№327-328) 2025 წ. 1-31 იანვარი ფასი 2 ლარი

რეგიონის მასშტაბით პირველი



საგარეჯოში, საზოგადოებრივი ჯანდაცვის ცენტრის მშენებლობა დასრულდა

თანამედროვე სტანდარტების შესაბამისი საზოგადოებრივი ჯანდაცვის ცენტრი კახეთის მხარეში სახელმწიფო რწმუნებულმა ბიორბი ალაფაშვილმა და საგარეჯოს მუნიციპალიტეტის მერმა ავთანდილ ბუღიაშვილმა გახსნეს.

ხელისუფლების წარმომადგენლებმა არსებული ინფრასტრუქტურა დაათვალიერეს და სამედიცინო პერსონალს შეხვდნენ.

ი ცენტრი უზრუნველყოფს ისეთ სერვისებს როგორცაა: ეპიდზედამხედველობა, იმუნიზაცია, პროფილაქტიკური აცრები, მალარიის ელიმინაციის პროგრამა, აცრების ლოჯისტიკა.

საზოგადოებრივი ჯანდაცვის ცენტრის ბაზაზე, ასევე, ფუნქციონირებს პარაზიტოლოგიის ლაბორატორია.

საგარეჯოს საზოგადოებრივი ჯანდაცვის ცენტრის სამშენებლო სამუშაოები ადგილობრივი ბიუჯეტიდან დაფინანსდა, პროექტის ჯამურმა ღირებულებამ -1 185 071,59 ლარი შეადგინა.



დაჯილდოება



2024 წლის 8 დეკემბერს საგარეჯოს ცენტრალურ სტადიონზე 2024 წლის სეზონის დასკვნით 36-ე ტურის მატჩს "გარეჯი-1960" ეროვნული ლიგა 2-ის გამარჯვებულის რანგში შეხვდა და ერთი ტურით ადრე უმაღლესი ლიგის საგზური მოიპოვა.

მუნიციპალიტეტის მერის ავთანდილ ბუღიაშვილის ინიციატივით გუნდის ყველა წევრისა და ადმინისტრაციული ჯგუფისთვის სახიმიო ღონისძიება გაიმართა და მიღწეული წარმატებისთვის, გუნდის განაცხადში მეოფ 23 ფეხბურთელს, საფეხბურთო კლუბი "გარეჯი-1960"-ის პრეზიდენტს - ლაზარე დათუნაშვილს, გუნდის მთავარ მწვრთნელსა და ფეხბურთის კლუბის 13 წარმომადგენელს მადლობის სიგელები, სპეციალური სიმბოლური ჯილდო და ფულადი პრიზი გადაეცა.

მუნიციპალიტეტის მერის გადაწყვეტილებით, წლის საუკეთესო ბომბარდირს - ლევან პაპავას, როგორც სეზონის საუკეთესო მოთამაშეს, დამატებითი პრემია გადაეცემა.

გალა ღონისძიებას მუნიციპალიტეტის საკრებულოს თავმჯდომარე ალექსი ბილაშვილი და ადგილობრივი თვითმმართველობის სხვა წარმომადგენლები ესწრებოდნენ.

„წარმატება ასე არ მოდის. ეს გახლავთ უდიდესი შრომა, თავდადება, ნიჭი, შემართება და საქმისადმი სიყვარული. საგარეჯოს სპორტის ისტორიაში უმნიშვნელოვანესი ნაბიჯი გადადგით და თქვენი მიღწევით სიამაყის განცდა შეგვიძინეთ. ქართული ფეხბურთი ჩვენი სამშობლოს სპორტის ისტორიაა, მისი განვითარების გზა, კულტურის უწყვეტობის, თვითმყოფადობის სიმბოლო. თითოეულ ჩვენგანს კარგად გვესმის უდიდესი პასუხისმგებლობა ქართული სპორტის მემკვიდრეობის გადარჩენისა და შენარჩუნების საქმეში. სპორტის განვითარება თითოეული ჩვენგანის ეროვნული ვალია. ჩვენ, არ დავიშურებთ ძალისხმევასა და ხელშეწყობას, რომ კიდევ და კიდევ მეტ წარმატებას მიაღწიოთ.“ განაცხადა ავთანდილ ბუღიაშვილმა.



ქეთი ბრატიაშვილი,
საგარეჯოს მუნიციპალიტეტის მერის პრესსპიკერი

მუნიციპალური მმართველობა

საბარეჯოს მუნიციპალიტეტის საკრებულოს სხდომა

17 დეკემბერი, 2024 წელი



საბარეჯოს მუნიციპალიტეტის საკრებულოს 2024 წლის მორიგ, ბოლო სხდომას ამავე საკრებულოს თავმჯდომარე ალექსი ბილაშვილი უძღვებოდა.

დღის წესრიგის გაცნობისა და კენჭისყრის შემდეგ დღის წესრიგის I საკითხზე „საგარეჯოს მუნიციპალიტეტის 2025 წლის ბიუჯეტის დამტკიცების შესახებ“ მოხსენება გააკეთა საგარეჯოს მუნიციპალიტეტის მერიის საფინანსო-საბიუჯეტო სამსახურის უფროსმა თინათინ აბაიშვილმა. მან საკრებულოს სხდომის მონაწილეებს გააცნო ახალი, 2025 წლის მუნიციპალიტეტის ბიუჯეტი, რომელიც ასეთია:

ბიუჯეტის პარამეტრები

შემოსულობები

საბარეჯოს მუნიციპალიტეტის 2025 წლის ბიუჯეტის შემოსულობების პროგნოზი შეადგენს 37317,1 ათას ლარს ანუ 2024 წლის დამტკიცებული ბიუჯეტის გეგმიურ მაჩვენებელთან შედარებით გაზრდილია 4640,4 ათას ლარით 14,2 %-ით, დაზუსტებულ ბიუჯეტთან შედარებით (ნაშთის ცვლილების გათვალისწინებით) შემცირებულია 14792,2 ათას ლარით (-28,4 %), შემოსავლები შეადგენს 37207,1 ათას ლარს, მათ შორის:

1) **საქართველოს პარლამენტისათვის წარდგენილი „საქართველოს 2025 წლის სახელმწიფო ბიუჯეტის შესახებ“ საქართველოს კანონის პროექტის საბოლოო ვარიანტის და საქართველოს პარლამენტში ინიცირებული „საქართველოს საბიუჯეტო კოდექსში ცვლილების შეტანის შესახებ“ საქართველოს კანონის პროექტის საფუძველზე გადამუშავებული ფისკალური პროგნოზების შესაბამისად საქართველოს ფინანსთა სამინისტროდან მ.წ. 3 დეკემბერს 04-03/89277 წერილით მიღებული საგადასახადო შემოსავლების საპროგნოზო მაჩვენებლები** განისაზღვრა 34764,7 ათას ლარით, **მათ შორის**

ქონების გადასახადი 6000,0 ათას ლარია, 2024 წლის დამტკიცებული ბიუჯეტის გეგმიურ მაჩვენებელთან შედარებით გაზრდილია 250,0 ათას ლარით (4,3 %),

დამატებული ღირებულების გადასახადი 2025 წელს საგარეჯოს მუნიციპალიტეტის ბიუჯეტში მიიმართება გასაწესდებელი დამატებული ღირებულების გადასახადის 1,40 %, რაც ნომინალურ გამოხატულებაში საორიენტაციოდ შეადგენს 28764,7 ათას ლარს, რომელიც დაკორექტირდება საკასო შემოსავლების მიხედვით, რაც 2024 წლის დამტკიცებული ბიუჯეტის გეგმიურ მაჩვენებელთან შედარებით გაზრდილია 4328,4 ათას ლარით (17,7 %),

2) **გრანტი მიზნობრივი ტრანსფერი დელეგირებული უფლებამოსილების განხორციელებისათვის** 274,1 ათას ლარით,

3) **სხვა შემოსავლები** 2024 წლის დამტკიცებულ ბიუჯეტთან შედარებით გაზრდილია 57,0 ათას ლარით (2,7%), დაზუსტებულ ბიუჯეტთან შედარებით შემცირებულია 527,5 ათას ლარით (-19,5 %) და შეადგენს 2171,0 ათას ლარს, მათ შორის:

შემოსავლები პროცენტებიდან შეადგენს 300,0 ათას ლარს (დამტკიცებულ ბიუჯეტთან შემცირებულია 500,0 ათას ლარით, -62,5 %, დაზუსტებულ ბიუჯეტთან შედარებით) 1084,5 ათას ლარით, -78,3 %;

რენტა 860,0 ათას ლარს, გაზრდილია 300,0 ათას ლარით, 53,6 %;

ადმინისტრაციული მოსაკრებლები და გადასახდებლები განსაზღვრულია 155,0 ათას ლარით (ზრდა 63,0 ათას ლარით, 68,5 %), მათ შორის: სანებართვო მოსაკრებელი 95,0 ათას ლარით, ადგილობრივი მოსაკრებელი დასახლებული ტერიტორიის დასუფთავებისათვის 60,0 ათას ლარით;

არასაბაზრო წესით გაყიდული საქონელი და მომსახურება შეადგენს 6,0 ათას ლარს (შემცირებულია 6,0 ათას ლარით, -50 %);

ჯარიმები, სანქციები და საურავები შეადგენს 600,0 ათას ლარს, (ზრდა 50,0 ათას ლარით, 9,1 %);

შერეული და სხვა არაკლასიფიცირებული შემოსავლები 250,0 ათას ლარს, (ზრდა 150,0 ათას ლარით, 150,0 %);

არაფინანსური აქტივების კლება განსაზღვრულია 110,0 ათას ლარით, მათ შორის:

ძირითადი აქტივები 20,0 ათას ლარია, არაწარმოებული აქტივები 90,0 ათას ლარით, (2024 წლის დამტკიცებულ ბიუჯეტთან შედარებით გაზრდილია 5,0 ათას ლარით (4,8 %), დაზუსტებული ბიუჯეტის გეგმიურ მაჩვენებელთან შედარებით შემცირებულია 680,4 ათას ლარით (-86,1%);

მუნიციპალიტეტის ბიუჯეტის გადასახდელები

ბიუჯეტით გათვალისწინებული გადასახდელების მოცულობა შეადგენს 37317,1 ათას ლარს, 2024 წლის დამტკიცებულ ბიუჯეტთან შედარებით გაზრდილია 4640,4 ათას ლარით (14,2 %), დაზუსტებულ ბიუჯეტთან შედარებით შემცირებულია 14792,2 ათას ლარით (-28,4 %), 2025 წლის ბიუჯეტის პროექტში საბიუჯეტო კლასიფიკაციის მიხედვით ხარჯების პროგნოზი 30974,0 ათას ლარია, გაზრდილია 2024 წლის ბიუჯეტთან შედარებით დამტკიცებულთან 20,8 %-ით, დაზუსტებულთან მიმართებაში 8,4 %-ით, მ.შ.: შრომის ანაზღაურება 5042,4 ათას ლარია, 2025 წლის სახელმწიფო ბიუჯეტის პროექტით საბაზო თანამდებობრივი სარგო 2024 წელთან შედარებით იზრდება 10%-ით და განისაზღვრება 1460 ლარის ოდენობით, რაც უზრუნველყოფს საჯარო სექტორში დასაქმებულთა ხელფასების ზრდას ასევე 10%-ის ოდენობით; საქონელი და მომსახურება 5942,0 ათას ლარით (დამტკიცებული +6,4 %, დაზუსტებული -7,7%); პროცენტი 6,1 ათას ლარით (-52,3%); სუბსიდიები 15979,8 ათას ლარით (დამტკიცებული +27,3 %, დაზუსტებული +19,6 %); გრანტები 230,0 ათას ლარით, გაზრდილია 2,9 %; სოციალური უზრუნველყოფა 2343,8 ათას ლარით (დამტკიცებული +18,7 %, დაზუსტებული +8,4 %); სხვა ხარჯები 1429,9 ათას ლარით (დამტკიცებული +46 %, დაზუსტებული -47,2 %); არაფინანსური აქტივების ზრდა განისაზღვრა 6289,8 ათას ლარით, (დამტკიცებული -9,8 %, დაზუსტებული -73,2 %); ვალდებულების კლება 53,3 ათას ლარით.

პროექტში პრიორიტეტები, პროგრამები, ქვეპროგრამები წარმოდგენილია შემდეგი სახით:
მმართველობა და საერთო დანიშნულების ხარჯები 7909,2 ათას ლარით ((დამტკიცებული +16,2 %, დაზუსტებული +13,5 %); , მათ შორის: მუნიციპალიტეტის საკრებულო 1685,8 ათას ლარით, მუნიციპალიტეტის მერია 5464,0 ათას ლარით, აქედან საგარეჯოს მუნიციპალიტეტში გენდერული თანასწორობის ხელშეწყობის უზრუნველყოფის მიზნით გაიხარჯება 67,6 ათას ლარით; სარეგულირებო ფონდი 700,0 ათას ლარით; მგფ-ს და სხვა დაფინანსების დაფარვა 59,4 ათას ლარით;

ინფრასტრუქტურის მშენებლობა, რეაბილიტაცია და ექსპლუატაცია დაფინანსდება 9143,8 ათას ლარით (დამტკიცებული (-13,7) %, დაზუსტებული (-58,7) %); , მათ შორის:

საბაზო ინფრასტრუქტურის განვითარება 4183,9 ათას ლარით, აქედან გზების მიმდინარე შეკეთებაზე გათვალისწინებულია 50,0 ათას ლარით, შ.პ.ს. „საგარეჯო“ დაფინანსდება 828,7 ათას ლარით; ახალი გზების მშენებლობაზე გათვალისწინებულია 3283,6 ათას ლარით, განხორციელდება:

სოფელ მონათლეთი სკოლასთან მისასვლელი გზის რეაბილიტაცია, დაფინანსდება სამუშაოების მოხსნის მიზნით და საპროექტო მომსახურება, დასრულებულია: სტიქიის შედეგად დაზიანებული სოფელ კაკაბეთის გზის რეაბილიტაციის სამუშაოები, სოფელ დიდ ჩაილურში მე-5 ქუჩის რეაბილიტაცია, სოფელ პატარა ჩაილურში ე.წ. ჩიხლაძეების უბნის რეაბილიტაცია, პროგრამაში გათვალისწინებულია აგრეთვე რგფ-ს თანადაფინანსების ხარჯი; საგზაო ნიშნები და უსაფრთხოების პროგრამაში გათვალისწინებულია 21,6 ათას ლარით მუნიციპალიტეტის ბაღანსხე არსებული სტრანსპორტო საშუალებების სახელმწიფო ნომრის ამოცნობი და ზოგადი ხედვის ვიდეო სათვალთვალ კამერების კომპლექტების მოვლა-პატრონობის მომსახურების ხარჯისათვის;

წყლის სისტემების განვითარება 2282,2 ათას ლარით, მათ შორის: სახმელეთო წყლის სისტემის რეაბილიტაციის ქვეპროგრამით გამოყოფილია 1225,4 ათას ლარით, გათვალისწინებულია სახმელეთო წყლის ჭაბურღილების შესაკეთებლად ამქაში ტუმბოების, მილუბის შესყიდვა, მუნიციპალიტეტის ტერიტორიაზე არსებული საკანალიზაციო სისტემის გაწმენდა, სახმელეთო წყლის ჭაბურღილებზე დახარჯული ელენერგიის ხარჯის დაფინანსება; სახმელეთო წყლის სისტემის ექსპლუატაცია-ა(ა)ი.პ.ს. საგარეჯოს მუნიციპალიტეტის სახმელეთო წყლის რეგულირების და ლაბორატორიული კვლევის ცენტრი დაფინანსდება 1056,8 ათას ლარით;

ბაგო განათება 1900,0 ათას ლარით, ეს არის გარე განათების ქსელის ექსპლუატაციისათვის გათვალისწინებული ხარჯი;

ამარიული მშენებლის და სახლების რეაბილიტაციისათვის გათვალისწინებულია 231,0 ათას ლარით, დაფინანსდება ქსაგარეჯოში კახეთის გზატკეცილის ქ. 10ა მრავალბინიანი საცხოვრებელი სახლის რეაბილიტაცია, სამუშაოების მონიტორინგი და რგფ-ს თანადაფინანსება;

კეთილმოწყობა 546,7 ათას ლარით, ეს არის საზოგადოებრივი სივრცეების მოწყობა - რეაბილიტაციის ქვეპროგრამაში გათვალისწინებული 3 კატეგორიის 4 ერთეული ავტობუსის შესყიდვის, მათი გეგმიური ფლობის შესყიდვის და დაზღვევის, საკანალიზაციო-აგეგმითი ნახაზების შესყიდვის, საპროექტული მომსახურების მომსახურების შეფასების და საიჯარო ქონების განსაზღვრის მიზნით საექსპერტო მომსახურების ხარჯები;

დასუფთავება და გაწმენდა დაფინანსდება 4036,7 ათას ლარით (2024 წლის დამტკიცებულ ბიუჯეტთან შედარებით გაზრდილია 61,5 %-ით, დაზუსტებულ ბიუჯეტთან შედარებით შემცირებულია 29,2 %-ით), მათ შორის:

დასუფთავება და ნარჩენების გატანა 530,0 ათას ლარით, გათვალისწინებულია ქსაგარეჯოს ქუჩების დასუფთავების და საგარეჯოს მუნიციპალიტეტსა და ა. (ა)ი.პ.-შიუსაფარი შინაური ცხოველების მართვის კახეთის ინტერმუნიციპალურ სააგენტოსთან დელეგირების ხელშეკრულების თანახმად უფლებამოსილებების ეფექტიანი განხორციელების მიზნით 2025 წლის საწევრო გადასახადი;

შ.პ.ს. „სუფთა მუნიციპალიტეტი 2018“ დაფინანსდება 2356,0 ათას ლარით;

მშენებლობის მონაწილეობის მონაწილეობა 1150,7 ათას ლარით, გათვალისწინებულია სოფლებში: თოხლაურში სკვერის მოწყობა, გორგოლში სკვერის რეაბილიტაცია, ქსაგარეჯოში: ჯაფარიძის ქუჩაზე არსებული სკვერის რეაბილიტაცია, კახეთის გზატკეცილი 13ბ კორპუსის მიმდებარე სკვერის მოწყობა, სამუშაოების მონიტორინგის შესყიდვის ხარჯი და რგფ-ს თანადაფინანსება.

განათლება დაფინანსდება 7856,7 ათას ლარით, (2024 წლის დამტკიცებულ ბიუჯეტთან შედარებით გაზრდილია 43,1 %-ით, დაზუსტებულ ბიუჯეტთან შედარებით 22,9 %-ით), მათ შორის:

სკოლამდელი დაწესებულებების მშენებლობა ა(ა)იპ „სკოლამდელი დაწესებულებების გაერთიანების გათვალისწინებულია 6983,3 ათას ლარით;

სკოლამდელი დაწესებულებების რეაბილიტაცია, მშენებლობა 565,8 ათას ლარით, განხორციელდება სოფელ დუხაგარაში ქართული ენის შემსწავლელი ცენტრის მშენებლობა, დაფინანსდება სამუშაოების მონიტორინგის ხარჯი;

ა(ა)იპ „საბარეჯოს სკოლისგარეშე დაწესებულებათა გაერთიანება“ 263,5 ათას ლარით; სხვა არაკლასიფიცირებული საქმიანობა განათლების სფეროში 44,1 ათას ლარით, პროგრამით გათვალისწინებული ღონისძიებებია: მასწავლებლის საერთაშორისო დღე, საგანმანათლებლო-შემეცნებითი პროექტი „დიდგორელი“, მედალოსნების დაჯილდოება, გარემოს დაცვის ღონისძიება სკოლამდელ დაწესებულებებში;

სკოლა, ახალგაზრდობა და სპორტის პრიორიტეტზე გათვალისწინებულია 5179,2 ათას ლარით (2024 წლის დამტკიცებულ ბიუჯეტთან შედარებით გაზრდილია 14,5 %-ით, დაზუსტებულ ბიუჯეტთან შედარებით შემცირებულია 26,4 %-ით),

სპორტის სფეროს განვითარება დაფინანსდება 2628,4 ათას ლარით, მათ შორის:

ა(ა)იპ: საგარეჯოს 105 კომპლექსური სასპორტო სკოლა; 99,5 ათას ლარით;

სპორტის განვითარების ხელშეწყობა ა(ა)იპ „საგარეჯოს მუნიციპალიტეტის სპორტული გაერთიანება 1309,5 ათას ლარით;

რეაბილიტაციის განვითარების ხელშეწყობა ა(ა)იპ „რეაბილიტაციის კლუბი ვეფხეები“ 630,0 ათას ლარით;

მშენებლობის განვითარების ხელშეწყობა (შ.პ.ს. „საფეხბურთო კლუბი გარეჯო“) - 362,0 ათას ლარით;

სპორტული ღონისძიებები 127,4 ათას ლარით, პროგრამით გათვალისწინებულია შემდეგი ღონისძიებები: სასკოლო ოლიმპიადებში გამარჯვებული გუნდებისათვის ფორმების შეძენა, სასკოლო ლიგა „თავისუფლების თამაშები“, მუნიციპალიტეტის თასი მინი ფეხბურთში ორგანიზაციების შორის, თანხის ჩარიცხვა ქართული ჭიდაობის კახეთის ფედერაციისთვის ქართული ჭიდაობის განვითარებისა და პოპულარიზაციისთვის დაგეგმიური ღონისძიებები სოფლის სპორტული ინვენტარის შეძენა სხვადასხვა სპორტული ღონისძიებებისთვის, პრიზების შეძენა ფალავნების დასაჯილდოებლად, წარმატებული ახალგაზრდა და ვეტერანი სპორტსმენების დაჯილდოება (წახალისების წესის შესაბამისად), საგარეჯოელი სპორტსმენების სამიწილიერ თანხები საერთაშორისო და ადგილობრივ ღონისძიებებზე, სპორტული პარიერების გარეშე, გოგა მისიურაძის სახელობის ტურნირი მინი ფეხბურთში, მუნიციპალიტეტის თასი ფრენბურთში ორგანიზაციების შორის, სპორტული ფესტივალი ღია ცის ქვეშ, შშმ პირთა სპორტული თამაშის „ოჩაჩა“ განვითარება და ხელშეწყობა, შშმ პირთა და ომის ვეტერანთა ააიპ, ახალგაზრდული მედია-კავშირის“ სპორტულ ფესტივალში მონაწილეობის უზრუნველყოფა, სპორტსმენთა ტრანსპორტირების ხარჯი;

სპორტული ობიექტების აღჭურვა, რეაბილიტაცია, მშენებლობა 100,0 ათას ლარით, გათვალისწინებულია სპორტული ობიექტების მიმდინარე რემონტის ხარჯი.

არჩეული არიან

ბოჩა (მეფხია) ჩარქეზიშვილი

არჩეულია საგარეჯოს მუნიციპალიტეტის საკრებულოს თავმჯდომარის პირველ მოადგილედ



დაიბადა 1965 წლის 31 მაისს.

1998-2002 წლები – საგარეჯოს რაიონის საკრებულოს ინფრასტრუქტურისა და მშენებლობის კომისიის თავმჯდომარე.

2002-2004 წლები – სოფელ თოხლიაურის საკრებულოს თავმჯდომარე.

2004-2006 წლები – საგარეჯოს რაიონის ასოცირებული საკრებულოს თავმჯდომარე.

2006-2008 წლები საგარეჯოს რაიონის გამგებლის პირველი მოადგილე.

2008-2013წწ – საგარეჯოს რაიონის გამგებლის მოადგილე.

2014-2017წწ – საგარეჯოს რაიონის საკრებულოს დეპუტატი;

2017-2021წწ – საგარეჯოს რაიონის საკრებუ-

ლოს დეპუტატი, ფრაქციის თავმჯდომარე;

2021-2024 წლის 27 დეკემბრამდე – საგარეჯოს მუნიციპალიტეტის საკრებულოს თავმჯდომარის მოადგილე;

202 წლის 27 დეკემბრიდან არჩეულია საგარეჯოს მუნიციპალიტეტის საკრებულოს თავმჯდომარის პირველ მოადგილედ.

ჰყავს მეუღლე და ორი შვილი.

ლევან როსტიაშვილი

არჩეულია საგარეჯოს მუნიციპალიტეტის საკრებულოს თავმჯდომარის მოადგილედ

დაიბადა სოფელ პატარა ჩაილურში.

1999 წელს დაამთავრა ამავე სოფლის საშუალო სკოლა.

2000 წლიდან 2004 წლამდე სწავლობდა და დაამთავრა საქართველოს ტექნიკური უნივერსიტეტის სამართალმცოდნეობის ფაკულტეტი იურისტის კვალიფიკაციით.

2005-2006 წლები – შპს „საქართველოს რეინიგ-ზის“ ფილიალში „ელექტრომომარაგების სამმართველო“ – წამყვანი ინჟინერი.

2009-2010 წლები საქართველოს სოფლის მეურნეობის სამინისტროს გენერალური ინსპექციის მთავარი სპეციალისტი.

2012-2015 წწ იყო შპს „felimaska-ge“-სამსახურის უფროსი.

2018 წლის ივლისიდან 2019 წლის მარტამდე მუშაობდა პატარა ჩაილურში მუნიციპალიტეტის მერის წარმომადგენლად.

2019 წლის აპრილიდან 2020 წლის იანვრამდე – საგარეჯოს მუნიციპალიტეტის მერის მრჩეველი.

2021 წლიდან 2025 წლის 15 იანვრამდე – საგარეჯოს მუნიციპალიტეტის საკრებულოს ინფრასტრუქტურის კომისიის თავმჯდომარე.

2025 წლის 15 იანვრიდან არჩეულია საგარეჯოს მუნიციპალიტეტის საკრებულოს თავმჯდომარის მოადგილედ

ჰყავს მეუღლე და 3 შვილი.



საბარეჯოს მუნიციპალიტეტის საკრებულოს სხდომა

17 დეკემბერი, 2024 წელი

დასასრული

კულტურის სფეროს განვითარება დაფინანსდება 2244,8 ათასი ლარით, მათ შორის:

ა(ა)იპ ბურჯანაძის სახელობის სამუსიკო სკოლა 306,9 ათასი ლარი;

ა(ა)იპ კულტურის ობიექტების გაერთიანება; B07,9 ათასი ლარი;

კულტურის ობიექტების აღჭურვა, რეაბილიტაცია, მშენებლობა 315,0 ათასი ლარი, აქედან 105,0 ათასი ლარი გათვალისწინებულია კულტურული მემკვიდრეობის ძეგლების სარეაბილიტაციო სამუშაოების პროექტების შესყიდვისათვის, მუნიციპალიტეტის ტურისტული ბაზრის ცნობადობის და ტურისტების რაოდენობის ზრდის თვალსაზრისით ქვეპროგრამაში გამოყოფილია 190,0 ათასი ლარი შემდეგ ტურისტულ ღონისძიებებზე: საინფორმაციო ფლაერებისა და ბუკლეტების დამზადება, ბრენდირებული მისიურების და კეპების ბეჭდვა, მონაცემთა ბაზების დიფერენცირება (განახლება), საინფორმაციო დაფების განთავსება, საგარეო კურსის განვითარება-საერთაშორისო ცნობადობის გაზრდა და სტრატეგიულ პარტნიორობთან თანამშრომლობა (გერმანია, იტალია, პოლანდია), ფესტივალებისა და სხვადასხვა ტურისტული - კალენდარული ღონისძიებების განხორციელება, ნუშის ყვავილობა მღაშე ტბა. ტური უდაბნოს მისადგომებთან, მედია ტური „ღვინის გზა“- შატოებისა და მარნების მონახულება, გარეჯობა, გიდეებისა და ინფო ტური, დავით გარეჯი-ყორული -მარიამჯვრის კოლის ტურისტული მარშრუტი, ეპიტური - ჩირის ტურსნის ტერიტორიის დამოუკიდებლობა და მონახულება მდგრადი ენერგეტიკის კვირეულის ფარგლებში,ვაზის სამშობლო-ტური ხაშში და მანავში (საფერავისა და მანავის მწვანეს ჯიშების გაცნობა), ყველის ფესტივალი უდაბნოში,მთის ფესტივალი,ტრენინგი-გადამზადება მცირე და საშუალო მეწარმეების- ტრენერის მოწვევა,კონკურსი-აღმოჩენილ საგარეჯო (ახალი ტურისტული ლოკაციების აღმოჩენისა პოპულარიზაციის მიზნით), ვიდ-ტენები, საგარეჯოს რუკების დამონტაჟება.

საგარეჯოს ცენტრალურ მოედანზე შემოინული- განათებული სტენდების მოწყობა „საგარეჯოს წარსული და აწმყო, ბრენდირებული სუვენიერების წინასწარ მომზადება(კალმები, ჭიქები, მაგნიტენი), ცენტრალურ უბნებში მოსაცდელების დკოდებით აღჭურვა და განათება,ელექტრო დამტენები, საგარეჯოს რუკების დამონტაჟება.

კულტურული ღონისძიებები 315,0 ათასი ლარი, განხორციელდება შემდეგი ღონისძიებები: სახალხო დღესასწაული „გარეჯობა“, საახალწლო ღონისძიება, ღონისძიებები კულტურული მემკვიდრეობის ძეგლებთან, ტრენინგები კულტურის სფეროში (ფოტოგრაფია, ვერწერა, ქართული ხელოვნებითი ხელოვნების კონკურსები, ჭაჭის ფესტივალი, თეატრალური ფესტივალი, სასაჩუქრე წიგნების შექმნა, გაზეთი „გურჯისტანის“

შექმნა, მასწავლებლის საერთაშორისო დღე, თელავის კლასიკური მუსიკის ფესტივალი „ადღეროდან ამდღემამდე“ (თანდაფინანსება), გიორგი ლეონიძის პრემია (საქართველოს მწერალთა შემოქმედებით კავშირს, თანდაფინანსება),

პროექტი „ჩემი კუთხე, ქართული სიმღერის ფესტივალი, ნაქსოვი ხალხების გამოფენა, გივი აბულაძის წიგნის „გარეჯულ ხელოვანთა ქრონიკები“-ის გამოცემა , ნუკრი კაპანაძის კონცერტი, პროგრამის ფარგლებში ტრანსპორტით მომსახურება;

ახალგაზრდობის მხარდაჭერა 235,0 ათასი ლარი, განხორციელდება შემდეგი ღონისძიებები: ლეპტოპების შეძენა სოციალურად დაუცველი სტუდენტებისთვის, ქართული წიგნების აქცია აზერბაიჯანულენოვან სკოლებში, წიგნის საერთაშორისო დღე 23 აპრილი, 3 დეკემბერი - შშმ პირთა უფლებების დაცვის დღე,მერიის სტიპენდიანტი,მეგობრობის დღე (ეთნიკური უმცირესობები),გოგონათა ბანაკი ეთნიკური უმცირესობების მონაწილეობით, წარმატებული ახალგაზრდების დაჯილდოვება, ახალგაზრდული კომიტეტის მხარდაჭერა, საზაფხულო სკოლა მაღალმთიან ზონაში-უდაბნოსა და აზერბაიჯანულენოვან სოფლებში, გამწვანების აქცია, სოციალურად დაუცველი ოჯახების ბავშვებისა და მოზარდების ხელშეწყობა, 21 მარტი დაუნის სინდრომის საერთაშორისო დღე, მხიარული სოფელი (გასართობი ღონისძიებები), საახალწლო ფესტივალი, ახალგაზრდული ბანაკი, კალიგრაფიის კონკურსი, ახალგაზრდული ფესტივალი, სემინარი სტუდენტებისა და მოსწავლეებისთვის, პროგრამის ფარგლებში ტრანსპორტით მომსახურება;

საგაერთიანებლო საქმიანობა (გაზეთი „გარეჯის მაცნე“) 71,0 ათასი ლარი; ჯანმრთელობის დაცვა და სოციალური უზრუნველყოფა დაფინანსდება 3191,5 ათასი ლარით (2024 წლის დამტკიცებულ ბიუჯეტთან შედარებით გაზრდილია 15,2 %-ით, დაზუსტებული ბიუჯეტთან შედარებით შემცირებულია 17,2 %-ით), აქედან

ჯანმრთელობის დაცვა 289,5 ათასი ლარია, მათ შორის: საზოგადოებრივი ჯანმრთელობისა და უსაფრთხო გარემოს უზრუნველყოფა 281,4 ათასი ლარით;

სოფლის ამბულატორიების ხელშეწყობა და ჯანდაცვის ობიექტების მშენებლობა, რეაბილიტაცია 8,1 ათასი ლარით, პროგრამით გათვალისწინებულია სოფელ უდაბნოს ამბულატორიის ექიმის ხელფასზე დანამატის დაფინანსება;

სოციალური დაცვა 2902,0 ათასი ლარი, დამტკიცებულ ბიუჯეტთან შედარებით გაზრდილია 17,1 %-ით (423,1 ათასი ლარი), დაზუსტებულ ბიუჯეტთან შედარებით 9,7 %-ით (256,3 ათასი ლარი), მათ შორის:

პირველი და მეორე ახალდაბადებული ბავშვიანი სოციალურად დაუცველი ოჯახების დახმარების პროგრამა 29,0 ათასი ლარი;

მრავალშვილიანი ოჯახების დახმარების პროგრამა 80,0 ათასი ლარი;

ბავშვთა კვების დაფინანსების პროგრამა

30,0 ათასი ლარი;

უფდამამო ბავშვების დახმარების პროგრამა 23,8 ათასი ლარი;

შშმ 18 წლამდე ბავშვთა დახმარების პროგრამა 118,2 ათასი ლარი;

შშმ პირის სტატუსის მქონე პენეფიციართა სარეაბილიტაციო კურსის დაფინანსების პროგრამა 261,6 ათასი ლარი;

მარტოხელა სტატუსის მქონე მშობლების დახმარების პროგრამა 6,0 ათასი ლარი;

რეინტეგრირებული ოჯახების ერთჯერადი სოციალური (ფულადი) დახმარების პროგრამა 5,0 ათასი ლარი; სოციალურად დაუცველი ოჯახებისათვის საყოფაცხოვრებო აუცილებელი ტექნიკის შეძენა 10,0 ათასი ლარი;

სამკურნალო და საოპერაციო ხარჯებით დახმარების პროგრამა 765,8 ათასი ლარი; მედიკამენტების შეძენაზე დახმარების პროგრამა 300,0 ათასი ლარი; ონკოლოგიურ პაციენტთა დახმარების პროგრამა 239,5 ათასი ლარი; ბიკარბონატიული ჰელოდალიზი-თირკმლის ქრონიკული უკმარისობით დაავადებულითა სამედიცინო დაწესებულებაში ტრანსპორტირების დაფინანსების პროგრამა 62,4 ათასი ლარი;

ელექტროენერგიის და გაზის გადასახადის დაფინანსების პროგრამა 56,0 ათასი ლარი; მოწყვლადი ჯგუფების გათვალისწინებით დახმარების პროგრამა 120,0 ათასი ლარი; სოციალურად მოწყვლადი ჯგუფებისათვის საკვების გაცემა დღესასწაულებზე 180,0 ათასი ლარი;

მოსახლეობის ტრანსპორტირების პროგრამა 25,0 ათასი ლარი;

ხანდაზმულ (95 და მეტი წლის) პირთა დახმარების პროგრამა 6,0 ათასი ლარი;

უპატრონო და სოციალურად დაუცველი მიცვალებულთა სარიტუალო მომსახურების პროგრამა 50,0 ათასი ლარი;

სიღარიბის ზღვარს მიღმა მყოფი ოჯახების დროებით სარგებლობაში გადაცემულ ფართებში მინიმალური საყოფაცხოვრებო პირობების შექმნა 20,0 ათასი ლარი;

მძიმე საცხოვრებელ პირობებში მყოფი ოჯახების დროებით თავშესაფრით უზრუნველყოფის პროგრამა 45,0 ათასი ლარი; უმწეოთათვის უფასო სასადილოების დაფინანსება 392,5 ათასი ლარი;

ომის ვეტერანებისა და მათი ოჯახების დახმარების პროგრამა 10,5 ათასი ლარი;

წითელი ჯვრის დაფინანსების პროგრამა 25,7 ათასი ლარი;

სტუდენტებისათვის სწავლის საფასურის დაფინანსება 40,0 ათასი ლარი;

ბიუჯეტის პროექტში მუნიციპალიტეტის კომპეტენციის სფეროში / დარგში / მიმართულებაში გათვალისწინებულია გენდერული თანასწორობის ასპექტები, აგრეთვე გაეროს მდგრადი განვითარების ყველა ის მიზანი, რომლის მიღწევასაც ემსახურება პროგრამები. „საგარეჯოს მუნიციპალიტეტის 2025 წლის ბიუჯეტის დამტკიცების შესახებ“ დადგენილების პროექტთან ერთად წარმოდგენილია:

1. მუნიციპალიტეტის პრიორიტეტების დოკუმენტი (2025-2028 წლები);

2. ინფორმაცია ბიუჯეტით განსაზღვრული პროგრამების/ქვეპროგრამების,მათი მოსალოდნელი შედეგებისა და შესრულების შეფასების ინდიკატორების შესახებ;

3. კაპიტალური ბიუჯეტის დანართი;

4. ინფორმაცია მუნიციპალიტეტის მიერ დაფუძნებული ა(ა)იპების

შემოსულობების, გადასახდელების და ნაშთის (ცვლილების შესახებ);

5. ინფორმაცია მუნიციპალიტეტის მიერ დაფუძნებული შ.პ.ს-ების შემოსულობების, გადასახდელებისა და ნაშთის ცვლილების შესახებ;

მოსმენილი საკითხის ირგვლივ გამოითქვა აზრი და კენჭი ყვარა საკითხის დამტკიცებას.

სხდომაზე დღის წესრიგის საკითხი – საგარეჯოს მუნიციპალიტეტის საკრებულოს თავმჯდომარის პირველი მოადგილის არჩევის შესახებ“ სხდომის მონაწილეებს ამავე მუნიციპალიტეტის საკრებულოს თავმჯდომარემ ალექსი ბილაშვილმა გააცნო. წარმოდგენილი იყო მხოლოდ ერთი კანდიდატურა – საგარეჯოს მუნიციპალიტეტის საკრებულოს თავმჯდომარის მოადგილის გონა (ვეფხია) ჩერქეზიშვილის კანდიდატურა. ხმების დათვლის შემდეგ დამტკიცდა ბოჩა (მეფხია) ჩარქეზიშვილის კანდიდატურა.

დღის წესრიგის შემდეგ საპროცედურული საკითხის განხილვის საკითხი – „საგარეჯოს მუნიციპალიტეტის მერიის პოლიტიკურ თანამდებობის პირთა, პროფესიულ მოხელეთა და ადმინისტრაციული ხელშეკრულებით დასაქმებულ პირთა საშტატო ნუსხის და თანმდებობრივი სარგოების დამტკიცების შესახებ“. საგარეჯოს მუნიციპალიტეტის საკრებულოს 2017 წლის 26 დეკემბრის №37 დადგენილებაში ცვლილებების შეტანის თაობაზე“, მოხსენება გააკეთა საგარეჯოს მუნიციპალიტეტის მერიის იურიდიული სამსახურის უფროსმა პაპაშვილმა მარგაბაძემ.

საგარეჯოს მუნიციპალიტეტის საკრებულოს პოლიტიკური თანამდებობის პირთა საკრებულოს პირველადი სტრუქტურული ერთეულის – საკრებულოს აპარატის პროფესიულ მოხელეთა თანამდებობრივი და საკრებულოს აპარატის საშტატო ნუსხის დამტკიცების შესახებ საგარეჯოს მუნიციპალიტეტის საკრებულოს 2023 წლის 27 დეკემბრის №19 დადგენილებაში ცვლილების შეტანის თაობაზე“ მოხსენება გააკეთა საგარეჯოს მუნიციპალიტეტის საკრებულოს საფინანსო-საბიუჯეტო კომისიის თავმჯდომარემ ელენე საჩხუშაშვილმა.

საკითხი „საგარეჯოს მუნიციპალიტეტის პერსონალური სერვისის პროგრამა“ დასამტკიცებლად სხდომის მონაწილეებს გააცნო საგარეჯოს მუნიციპალიტეტის მერიის ჯანდაცვისა და სოციალური დახმარების სამსახურის უფროსმა სოფიო შამარაშვილმა.

სხდომის მონაწილეებმა წარმოდგენილ საკითხებზე გამოთქვეს მოსაზრებები.

სიკეთის ბილიკებით

ბარბარე, მარიამი, ბიორბი, ლუკა, საბა, ლაზარე, ციცი, ემილი, ზოსტატი... 300 - ამაღე გაგზავნა მარჯანის ბილიკებით...

საგარეჯოს მუნიციპალიტეტის მერის, ავთანდილ ბულიკაშვილის ინიციატივით, განათლების, კულტურის, ძეგლთა დაცვის, სპორტისა და ახალგაზრდული სამსახურის თანამშრომლებმა, სოციალურად დაუცველი მრავალშვილიანი ოჯახების ბავშვების საახალწლო სურვილების შესახებ მოიძიეს ინფორმაცია ისე, რომ მათთვის მერის გადაწყვეტილება სიურპრიზად დარჩენილიყო...

დაიწყო აქტიური მზადება და რამდენიმე დღეში, ახალგაზრდული სამსახურის გუნდმა მოძიებული სურვილების შესაბამისი ფასიანი საჩუქრების შექმნა დაასრულა, შეფუთა და ადრესატების მიხედვით მერის მისაღოც გზავნილებთან ერთად გადაანაწილა...

30 დეკემბერს, საჩუქრების დარიგება დაიწყო, ახალ წელს - კი ყველას ნატვრა რეალურად იქცა...

„ჩემო პატარა მეგობარო, გილოცავ ახალ 2025 წელს! გისურვებ ჯანმრთელობას, სილამაზეს, დღეგრძელობასა და დასახული მიზნების განხორციელებას! მიიღე ეს მცირედი საჩუქარი ჩემგან და იცოდე, რომ შენ ხარ ჩვენი მუნიციპალიტეტისა და ქვეყნის ნათელი მომავალი. გადავწყვიტეთ, რომ პრიორიტეტად თქვენი სიხარული ვაღიაროთ. თქვენ, ოჯახების გამორჩეულ წევრებს - ბავშვებს გულები გაგიტოვოთ და მხარში დაგიდგეთ. გჯეროდეს, რომ კეთილი სურვილები და ოცნებები სრულდება. დაგბედებოდეთ ნატვრის ახდენა!

*საუკეთესო სურვილებით,
ავთანდილ ბულიკაშვილი*



საგარეჯოს მუნიციპალიტეტის მერის - ავთანდილ ბულიკაშვილის ინიციატივით, სკოლამდელი აღზრდის დაწესებულებებში ყველა აღსაზრდელს საახალწლო საჩუქრები გადაეცა.

მუნიციპალიტეტის მერი ბაღებს ესტუმრა, საახალწლო ღონისძიებებს დაესწრო, პედაგოგებსა და აღსაზრდელებს დამდეგი შობა-ახალი წელი მიულოცა და ბავშვებს ტკბილეული თავად გადასცა.

წინასაახალწლო განწყობას კიდევ უფრო მეტი სიხარული შესძინა გაუღებულმა ინფორმაციამ:

- ჩემი მიზანია, რომ სასწავლო-სააღმზრდელო პროცესი წარმართოს კომფორტულ და შესაბამის გარემოში, ამისათვის მიმდინარეობს ინფრასტრუქტურის მოწესრიგება და აქვე მინდა გამცნოთ სასიხარულო ინფორმაცია, რომ მომავალი წლიდან ბაღებს ავეფიქსირებ ახალი - თემატური სათამაშოების კოლექციები შევამატებ.

ბავშვების გონებრივი განვითარებისა და შემეცნებითი აქტივობებისთვის აუცილებელია სათამაშოების მუდმივი განახლება, ჩვენ ეს პროცესი დავეწყეთ და ახალი სემესტრიდან, სასწავლო პროცესის აღსაზრდელთა ახალ გარემოში გააგრძელებენ - განაცხადა ავთანდილ ბულიკაშვილმა.



საგარეჯოს მუნიციპალიტეტის საკრებულოს თავმჯდომარე ალექსი ბილაშვილმა, სოციალურად დაუცველ მრავალშვილიან ოჯახებს დამდეგი შობა-ახალი წელი მიულოცა და ოჯახებს სასაჩუქრე კალათები, პროდუქტი და სათამაშოები გადასცა.



*მარი აზარიაშვილი,
საგარეჯოს მუნიციპალიტეტის საკრებულოს თავმჯდომარის პრესსპიკერი*

საგარეჯოს მუნიციპალიტეტის მერის - ავთანდილ ბულიკაშვილის დაგეგმვით, ჯანდაცვის და სოციალურმა სამსახურმა უკვე ტრადიციულად აქცია მოწყვლადი ჯგუფებისთვის საახალწლო განწყობის შექმნა და მომავლის იმედის დაგეგმვა.

მუნიციპალიტეტის მასშტაბით, სოციალურად დაუცველ 1200 ოჯახს რამდენიმე სახეობის საკვები პროდუქტის ამანათები გადაეცა, რომელიც შემდეგ სამიზნე ჯგუფებს მოიცავდა: სოციალურად დაუცველი მრავალშვილიანები, მარტოხელა ხანდაზმულები, დღის ცენტრის „სათნოების სახლისა“ და სოციალური საცხოვრისის ბენეფიციარები და მარტოხელა სტატუსის მქონე მშობლები. **ავთანდილ ბულიკაშვილი** ბენეფიციარებს თავად ესტუმრა, ახალი წელი მიულოცა და სასაჩუქრე ამანათები გადასცა.

“ჩემთვის მნიშვნელოვანია, რომ ახალი წელი ამ ოჯახებისთვის იყოს იმედის მომცემი, თითოეული მათგანი ადგილობრივი თვითმმართველობის მხრიდან უნდა გრძნობდეს ზრუნვასა და მხარდაჭერას. სწორედ ამ მიზნით, წელს ბენეფიციართა რაოდენობა გაზრდილი და ამანათების ასორტიმენტი გაუმრავალდგურენო.

ეს იქნება დასაწყისი იმ დიდი წამოწყებებისა, რასაც სამომავლოდ კვლავ გააგრძელებთ” - განაცხადა ავთანდილ ბულიკაშვილმა.



ბაღაეცათ ეტლები და ტაბილეული

საგარეჯოს მუნიციპალიტეტის მერიის ჯანმრთელობის დაცვისა და სოციალური სამსახურის ორგანიზებით და საერთაშორისო ასოციაციის „საქართველოს ქალები მშვიდობისა და სიცოცხლისათვის“ მხარდაჭერით, საგარეჯოს მუნიციპალიტეტის მერმა, **ავთანდილ ბულიკაშვილმა**, რამდენიმე აღმინისტრაციულ ერთეულში მცხოვრებ განსაკუთრებული საჭიროების მქონე პირს, წინასწარ შერჩეული სტანდარტებისა და ზომის გათვალისწინებით, ეტლები გადასცა და ტაბილეულის ნობათებით დამდეგი შობა მიულოცა.

“ჩვენი მიზანია, მაქსიმალური მხარდაჭერა გამოვხატოთ მსგავსი პრობლემების მქონე მოქალაქეების მიმართ და მდგომარეობა შევუმსუბუქოთ, ეს პროგრამა გაგრძელდება და ეტაპობრივად ყველა ბენეფიციარს დაეკმაყოფილებთ”. - საუბრისას აღნიშნა ავთანდილ ბულიკაშვილმა.



*ქეთი ბრატიაშვილი,
საგარეჯოს მუნიციპალიტეტის მერის პრესსპიკერი*

2025 წლის საეკლესიო კალენდარი



20 აპრილი – ბრწყინვალე აღდგომა იესო ქრისტესი

ათორმეტთახან მოკრახეი: 13.04 - ბზობა; 29.05 - ამაღლება; 8.06 - სულთმოფენობა.

ათორმეტთახან უკრახეი: 7.01 - იესო ქრისტეს შობა; 19.01 - ნათლისღება; 15.02 - მირქვა; 7.04 - ხარება; 19.08 - ფერისცვალება; 28.08 - მარიამობა; 21.09 - შობა ყოვლადწმიდა ღვთისმშობლისა; 27.09 - ჯვართამაღლება; 4.12 - ყოვლადწმიდა ღვთისმშობლის ტაძრად მიყვანება.

დიდი დღესასწაულები: 14.01 - წინადაცვითა უფლისა ჩვენისა იესო ქრისტესი; 27.01, 1.06 - ნინობა; 25.02 - დღესასწაული ივერიის ღვთისმშობლის ზატისა; 6.05, 23.11 - გიორგობა; 12.05 - საქართველოს ყოვლადწმიდა ღვთისმშობლის წილხედობის დღე; 12.05, 13.12 - ხს. წმიდისა და ყოვლადქებულისა მოციქულისა ანდრია პირველწოდებულისა; 14.05 - თამარობა; 22.05, 19.12 - ნიკოლოზობა; 9.06 - სამეობა; 7.07 - შობა იოანე ნათლისმცემლისა; 12.07 - პეტრე-პავლობა; 13.07 - სვეტიცხოვლობა – კრება წმ. დიდებულთა ათორმეტთა მოციქულთა; 29.08 - ანჩისხატობა; 11.09 - თავისკვეთა წმიდისა იოანე ნათლისმცემლისა; 14.10 - კვართისა საუფლოსა და სვეტისა მირონმდინარისა, ყოვლადწმიდა ღვთისმშობლის საფარველი – სვეტიცხოვლობა; 17.12 - ბარბარობა;

საეკლესიო საგანგებო დღეები: 4.01 - სრულიად საქართველოს კათოლიკოს-პატრიარქის ილია II-ის დაბადების დღე; 25.03 - საქართველოს სამოციქულო ეკლესიის ავტოკეფალიის აღდგენის დღე; 2.08 - ანგელოზის დღე სრულიად საქართველოს კათოლიკოს-პატრიარქისა ილია II-ისა; 25.12 - აღსაყდრების (ინტრონიზაციის) დღე სრულიად საქართველოს კათოლიკოს-პატრიარქისა ილია II-ისა.

მარცხეი: დიდი მარცხე 3.03-დან 20.04-მდე; პეტრე-პავლობის მარცხე 16.06-დან 12.07-მდე; მარიამობის მარცხე 14.08-დან 28.08-მდე; შობის მარცხე 28.11-დან 7.01-მდე.

მიტვალებულითა მოსახსენებელი დღეები: ზორციელის შაბათი 22.02; დიდმარცხის მე-2 შაბათი 15.03; დიდმარცხის მე-3 შაბათი 22.03; დიდმარცხის მე-4 შაბათი 29.03; თომას კვირის სამშაბათი 29.04; სულის შაბათი 7.06; დიმიტრის შაბათი 1.11.

მეტღვინი მარცხეი: ყოველი შვიდეულის ოთხშაბათი და პარასკევი, გარდა მსგეფისა; ნათლისღების წინა დღე 18.01; იოანე ნათლისმცემლის თავისკვეთის დღე 11.09; ჯვართამაღლება 27.09.

იანვარი	თებერვალი	მარტი	აპრილი	მაისი	ივნისი
რე სა ოთ ხე შე კე 6 13 20 27	რე სა ოთ ხე შე კე 3 10 17 24	რე სა ოთ ხე შე კე 3 10 17 24 31	რე სა ოთ ხე შე კე 7 14 21 28	რე სა ოთ ხე შე კე 5 12 19 26	რე სა ოთ ხე შე კე 2 9 16 23 30
ივლისი	აგვისტო	სექტემბერი	ოქტომბერი	ნოემბერი	დეკემბერი
რე სა ოთ ხე შე კე 7 14 21 28	რე სა ოთ ხე შე კე 4 11 18 25	რე სა ოთ ხე შე კე 1 8 15 22 29	რე სა ოთ ხე შე კე 6 13 20 27	რე სა ოთ ხე შე კე 3 10 17 24	რე სა ოთ ხე შე კე 1 8 15 22 29

ფეხბურთი „გარეჯი-1960“ საქართველოს ჩემპიონატის უმაღლეს დივიზიონში – პირველ ლიგაშია



ფეხბურთის გარეჯელი გულშემატკივრისთვის, ამ საშიშროება წლის წინაც კი ვინმეს რომ ეთქვა – გარეჯის გუნდი საქართველოს ჩემპიონატის უმაღლეს დივიზიონში იქნება იმ დროის ჩვენი კუთხის და არა გარეთ მათ ინტერესებს, ამ სიტყვების მთქმელს ბიჭად მიიჩნევდა, არა თუ დაუჯერებდა. ამის ერთ-ერთი მიზეზი კი ისიც იყო, რომ საბარეჯოში კი არსებობდა საფეხბურთო ჯგუფები, სადაც პატარები ფეხბურთის ანა-ბანას სწავლობდნენ, მაგრამ ეს ყველაფერი მაინც მოწყვარულთა ღონეზე ხდებოდა. კი იზრდებოდნენ საბარეჯოში თითოეორი ფეხბურთელები, თუმცა ეს პირითადად ენთუზიაზმის შედეგად ხდებოდა.

რამდენჯერმე იყო მცდელობა თბილისელ ბიზნესმენებს მოეკიდათ ხელი ჩვენთან საფეხბურთო საქმისათვის, მაგრამ აქედან არაფერი გამოვიდა.

ასე მიდიოდა საფეხბურთო ცხოვრება, როდესაც ამ საქმეს ხელი მოჰკიდა იმ დროისათვის აქტიური ფეხბურთიდან წამოსულმა ჩვენმა თანამემამულემ, ქართულ და არა მარტო ქართულ ფეხბურთში ცნობილმა ადამიანმა **ლასარე (ლადო) დათუნაშვილმა**.



მკითხველს შევახსენებთ, რომ იგი არცთუ შორეულ წარსულში წარმატებით იცავდა საქართველოს უმაღლესი ლიგის გუნდების: „ლოკომოტივის“, „ცხინვალის“, „მერანის“, „ბორჯომის“, „დორკას“, შემდეგ კი თამაშობდა საზღვარგარეთ – იყო ლატვიური გუნდების – „დაუგავასპილისისა“ და „სკო-

ნტოს“ წამყვანი მოთამაშე... მოკლედ რომ ვთქვათ, შეიქმნა საფეხბურთო კლუბი „გარეჯი-1960“ და მან ასპარეზობა საქართველოს ჩემპიონატის მეხუთე ლიგიდან დაიწყო. დაიწყო და სამიოდე წელში მეორე ლიგაში აღმოჩნდა.

ყველა ელოდა, რომ მეორე ლიგაში გარეჯი ადგილს ვერ შეინარჩუნებდა და თუ პირდაპირ არ „გაგარდებოდა“, „პლეი აუტში“ მაინც მოხვდებოდა, მაგრამ ყველა პესიმისტური პროგნოზი „ჩავარდა“. გარეჯი არა თუ გაგარდა ლიგიდან, კინაღამ „პლეი-ოფს“ უწია – მეოთხე ადგილი დაიკავა.

შემდეგ წელს გარეჯელმა გულშემატკივრებმა მართლაც სერიოზულად ინერვიულეს, როცა ცოტა დააკლდათ პირველ ლიგაში გადასვლას, თუმცა ეს ოცნება უკვე 2024 წელს აისრულეს, როცა ერთი ტურით ადრე გაინადღეს უმაღლეს დივიზიონში თამაში.

განსაკუთრებით აღსანიშნავი ამ წარმატებაში ისაა, რომ „გარეჯი-1960“ წარმატებებმა ჩვენი მუნიციპალიტეტის ბავშვებში უზარმაზარი დაინტერესება გამოიწვია და დღეისათვის თითქმის ყველა ასაკის საფეხბურთო ჯგუფები ეწვეიან სერიოზულ მუშაობას მათთან, რაც ადგილობრივი, ნიჭიერი ფეხბურთელების თაობის წამოსვლას და, რაც თავის მხრივ გარეჯული და მთლიანად ქართული ფეხბურთის აღმავლობის გარანტიასაც მოგვცემს...

ქართული ფეხბურთი დღეს აღმავლობის გზაზე რომაა, ამას ჩვენი ქვეყნის ნაკრების გასული წლის წარმატებებიც, უფრო სწორედ ტრიუმფიც ადასტურებს, როცა ევროპის ჩემპიონატის უძლიერესი ჯგუფიდან გააღწია და მერვედფინალში მომავალ მსოფლიო ჩემპიონ ესპანეთთან დამარცხდა. ვინ იცის, ბედს რომ არ ემუხთლა და სხვა რომელიმე მეტოქე შეგვხვედროდა, იქნებ ჩვენს ბიჭებს უკეთესი შედეგიც ეჩვენებინათ, კიდევ უფრო წინ წასულიყვნენ ჩემპიონობისაკენ მიმავალ გზაზე.

ჰოდა, ჩვენც გვჯერა, რომ „გარეჯი-1960“ კიდევ არაერთხელ გაგვახარებს და ამჯერად უკვე საერთაშორისო ასპარეზზე.

ბუნებრივია, ჩვენ ჩემპიონატის დამთავრებისთანავე ვაპირებდით ამ წარმატებების სულისჩამდგმელ ადამიანთან ინტერვიუს ჩაწერას, მაგრამ შემდეგ ცოტაოდენი ფიქრის შემდეგ გადაწყვიტეთ ეს საუბარი სეზონის გახსნის წინა პერიოდისთვის გადაგვეტა-

ნა, როცა გუნდი ძირითადად დაკომპლექტებული იქნება და უფრო ბევრ საინტერესო ინფორმაციას მივაწვდიდით ჩვენს მკითხველებს.

მოგესხენებათ, პირველი ლიგა სულ სხვა ღონეა და გუნდს სერიოზული გაძლიერება სჭირდება. მოსაგვარებელია უამრავი საორგანიზაციო საკითხი – მათ შორის სტადიონის, რადგანაც ხელოვნურსაფარიან მინდორზე პირველ ლიგაში თამაში არ შეიძლება. მუნიციპალიტეტის მერიის მხარდაჭერით ეს საკითხიც უახლოეს ხანში დადებითად გადაწყდება. ასე, რომ ლაზარე დათუნაშვილის ინტერვიუს ცოტა მოგვიანებით შემოგთავაზებთ, დღევანდელ ნომერში კი გუნდის **მთავარი მწვრთნელი თენგიზ კობიაშვილი** უპასუხებს ჩვენს კითხვებს.



– **პირველ რიგში გილოცათ უდიდეს წარმატებას, საქართველოს ჩემპიონატის უმაღლეს დივიზიონში – პირველ ლიგაში გადასვლას. ეს მართლაც საოცარი შედეგია. საგარეჯოში ფეხბურთის ტრადიციები, რა თქმა უნდა არსებობდა, მაგრამ ძირითადად მოყვარულთა ღონეზე და ალბათ ყველაზე ოპტიმისტი გარეჯელებიც კი ვერ გაბედავდნენ ამას ფიქრს. და მაინც, თქვენი, მთელი გუნდის, თითოეული ფეხბურთელის და ამ ყველაფრის სუ-**



ლისჩამდგმელის ლასარე (ლადო) დათუნაშვილის ძალისხმევით, ზღაპრული წარმატება მოვიდა.

იქნებ გავგიზიაროთ თქვენი მოსაზრება, როგორ მოხერხდა ეს, მით უფრო, რომ სეზონი არცთუ წარმატებით დაიწყო...

– მაღლობა მოლოცვისათვის. რაც შეეხება სეზონის მიმდინარეობას, ყოველთვის ყველაფერი ისე არ მიდიოდა, როგორც გვინდოდა, ყოველთვის წარმატება ვერ იქნება, მაგრამ ჩვენც დავლაგდით და მიზანსაც მივაღწიეთ.

– **ვის გამოყოფდით ფეხბურთელებიდან, ვის მიუძღვის განსაკუთრებული წვლილი ამ წარმატებაში?**

– გამოყოფით ვერც ერთ ფეხბურთელს ვერ გამოვყოფ. ყველამ

თავი დადო ამ წარმატებისათვის. გუნდში შეუცვლელი ფეხბურთელი მგონი არ გვყავდა. მართალია, ზოგს მეტად უწევდა თამაში, ზოგს ნაკლებად, მაგრამ ყველას შეცვლა შეიძლებოდა.

– **რამდენადაც გიცია „გარეჯის“ წარმატებებმა ბოლო წლებში უამრავი ბავშვი მიიყვანა საფეხბურთო წრეებში, მათ შესახებ რას გვეტყვით, როგორ პერსპექტივას ხედავთ ამ კუთხით?**

– მართლა ძალიან ბევრი ბავშვი ვარჯიშობს ფეხბურთში და დარწმუნებული ვარ მათი მონდომება ნაყოფს გამოიღებს და რამდენიმე წელში ჩვენი გუნდი მათგან კარგ შევსებას მიიღებს.

– **მომავალ სეზონზეც გეითხავთ. ერთია მეორე ლიგის მოგება და სულ სხვაა პირველ ლიგაში თამაში. რას აპირებთ, გაძლიერებას თუ აპირებთ, ან რა გეგმები გაქვთ, იქაც იბრძოლებთ პირველობისათვის?**

– ამასე ასე ვიპასუხებთ. თქვენ კარგად იცნობთ ჩვენს პრეზიდენტს ლადო დათუნაშვილს და მის მონდომებას. აქ წამოსვლას იმიტომ დავთანხმდი, რომ ეს გუნდი არასოდეს ყოფილა აუტსაიდერთა შორის, არასოდეს უბრძოლია ლიგაში დარჩენისათვის, ყოველთვის მაღალი მიზნებისათვის იბრძოდა და დარწმუნებული ვარ ასევე გაგავრძელებთ. გვესმის, რომ პირველ ლიგაში დღევანდელ გუნდში ვიყავი, მაგრამ არც იმას ვაპირებთ, რომ აუტსაიდერებში ვიყოთ.

– **როცა გარეჯი მეორე ლიგაში გადმოვიდა, მაშინ მქონდა ინტერვიუ თქვენს პრეზიდენტთან და მაშინ თითქოსდა ხუმრობით გეითხე, – ასეთი ტემპით წინსვლას თუ გააგრძელებთ, შესაძლოა მალე უეფას ტურნირებზეც ვიხილოთ-მეთქი „გარეჯი-1960“. ამაზე თქვენ რას იტყვით?**

– ფიქრში ყოველთვის არის ასეთი რამ. ფეხბურთში კი გამართლებაზეც არის ბევრი რამ დამოკიდებული. ასე, რომ რატომაც არა...

– **კიდევ ერთხელ გილოცათ ამ გამარჯვებას და შემდგომ წარმატებებს გისურვებთ. ალბათ გამოვხატავ გარეჯახელი გულშემატკივრების ენთუზიაზმს და გეტყვით, რომ თქვენი იმედი გვაქვს.**

– დიდი მაღლობა.

P.S. ამასობაში უკვე გვაქვს 2025 წლის საქართველოს ჩემპიონატის ცხრილი, საიდანაც ვიგებთ, რომ „გარეჯი-1960“ პირველ მატჩს 2 მარტს გორში ადგილობრივ „დილასთან“ გამართავს. საკუთარ მოედანზე პირველი მატჩი კი მეორე ტურში 5 მარტს ბათუმის „დინამოსთან“ აქვს ჩანიშნული, თუმცა სად ჩატარდება ეს მატჩი, ჯერ გარკვეული არ არის. ასეთი მატჩების ნახვა საინტერესოა და განსაკუთრებით სასარგებლოა პატარა ფეხბურთელებისათვის, რომლებსაც აქედან ბევრ რამეს ისწავლიან და აითვისებენ.

წარმატებები გარეჯელებს!

ინფრასტრუქტურა-2025

გზები
პატარა ჩაილური

საგარეჯოს მუნიციპალიტეტის მასშტაბით, ინფრასტრუქტურული გარდამავალი პროექტების სამუშაოები განახლდა.

სოფელ პატარა ჩაილურში, ე.წ. “ჩიხლაძეანთ უბნის” გზის მოწყობის სამუშაოები აქტიურ ფაზაშია.

ამ ეტაპზე, პირველი ფენით მოასფალტდება მიმდინარეობს.

აღნიშნული პროექტი გარდამავალია და სამუშაოები 2025 წლის გაზაფხულამდე დასრულდება.



საგარეჯოს მუნიციპალიტეტის სოფელ პატარა ჩაილურში, ე.წ. “ყავრიათ უბნის” გზის მოწყობის სამუშაოები აქტიურად მიმდინარეობს.

ამ ეტაპზე, პირველი ფენით მოასფალტების სამუშაოები დასრულების ფაზაშია.

პროექტი გარდამავალია და სამუშაოები მიმდინარე წლის გაზაფხულამდე დასრულდება.



სოფელი ლამბალო
საბავშვო ბაღი

საგარეჯოს მუნიციპალიტეტის მასშტაბით ინფრასტრუქტურული პროექტების გარდამავალი სამუშაოები განახლდა

სოფელ ლამბალოში 150 ადამიანზე გათვლილი, თანამედროვე სტანდარტების - ახალი საბავშვო ბაღის მშენებლობა აქტიურად მიმდინარეობს. მუნიციპალიტეტის მერმა ავთანდილ ბულიკაშვილმა, პირველ მოადგილესთან ემზარი კუჭუაშვილიან და ინფრასტრუქტურის სამსახურის ხელმძღვანელთან პეტა ფეიძეშვილიან ერთად სამუშაოები ადგილზე მოინახულა. პროექტი მუნიციპალური განვითარების ფონდისა და ადგილობრივი ბიუჯეტის დაფინანსებით ხორციელდება.



ქეთი ბრატიაშვილი,
საგარეჯოს მუნიციპალიტეტის მერის პრესსპიკერი

სპორტი

კრივი
2024 წლის ფინიშთან

ა(ა)იპ „საგარეჯოს მუნიციპალიტეტის სპორტული გაერთიანების“ კრივის სექციის (მწვრთნელი ბიორბი კოხტაშვილი) მოკრივეებმა წარმატებით გააძლიერეს 2024 წელი. 19-25 დეკემბერს თბილისში, ახალგაზრდა და უფროსი ასაკის მოკრივეებში ჩატარებულ საქართველოს ჩემპიონატზე ორი გარეჯელი მოკრივე ქვეყნის ჩემპიონი, ორიც პრიზიორი გახდა.

ახალგაზრდულ ასაკში თავი ისახელა

და 54 კგ წონით კატეგორიაში ჩემპიონი გახდა ნიკოლოზ თავაშაძემ.

დიდებაში ამავე წონით კატეგორიაში ჩემპიონობა არავის დაანება ახალგაზრდებში 2023 წლის საქართველოს ჩემპიონმა სალომე კავთაშვილმა.

წლის ფინიშზე გამართულ ამ ასპარეზობაში ბრინჯაოს პრიზიორები გახდნენ (დიდების ასაკში) გიორგი ფოცხვერაშვილი (54კგ) და გიორგი დეკანოზიშვილი (86კგ).



ბიუდო

საქართველოს ჩემპიონი

დასრულდა საქართველოს ჩემპიონატი ბიუდოში, 2008-2009 წლებში დაბადებულ ჭაბუკთა შორის, სადაც ყველა შეხვედრა ბრწყინვალე გამარჯვებით დაასრულა და საქართველოს ჩემპიონის ტიტული მოიპოვა -60კგ წონით კატეგორიაში მახო ჰიბამაშვილმა.



კალეტ გოგონათა შორის

17 იანვარს თბილისში გაიმართა საქართველოს ჩემპიონატი კალეტ გოგონათა შორის ბიუდოში, სადაც საგარეჯოს სპორტული გაერთიანების სპორტსმენმა ნინო საზარაშვილმა (44კგ) წარმატებით იასპარეზა და დაიკავა III ადგილი.



მათ ასახალოს საპარტო

მუნიციპალიტეტის სპორტსმენთა 2024
წლის საუკეთესო ათეული სპორტის
ოლიმპიურ სახეობებში

1. ნინო ლოლაძე – საქართველოს ჩემპიონი ჯაბუკებში (ძიუდო).



2. ამირან დარგაისელი – საქართველოს ჩემპიონი (ძიუდო)



3. სალომე კაშთაშვილი – საქართველოს ჩემპიონი (კრიგი)



4. გიორგი დეანოშვილი – საქართველოს პრიზიორი, კრიგი



5. უტა ბაკრუშვილი – საქართველოს ჩემპიონი ჯაბუკებში (ძიუდო)



6. ვახტანგ ჯიაბერაშვილი – საქართველოს ჩემპიონი ძიუდოში (ახალგაზრდები)



ნიკა თავაშვაძე – საქართველოს ჩემპიონი ახალგაზრდებში (კრიგი)



9. თორნიკე თუშაშვილი – საქართველოს II პრიზიორი თავისუფალ ჭიდაობაში (20 წლამდელები)



8. თორნიკე ასაშვილი – საქართველოს II პრიზიორი თავისუფალ ჭიდაობაში, ახალგაზრდები



10. გიორგი ფოცხვაშვილი – საქართველოს III პრიზიორი კრიგში

ბავშვთა „გარეჯის მაცნეს“ რედაქცია თანაგრძნობას უცხადებს საგარეჯოს მუნიციპალიტეტის განათლების, კულტურის, ძეგლთა დაცვის, სპორტისა და ახალგაზრდული სამსახურის უფროსს არჩილ ჯაბადარსა და მის მეუღლეს ლია როჭიკაშვილს სიმამრისა და მამის

სერბო როჭიკაშვილის

გარდაცვალების გამო.

რედაქტორი:
თინათინ ილაური



„გარეჯის მაცნეს“ გამომცემელი შპს „გარეჯის მაცნე“
გაზეთი რეგისტრირებულია სსიპ „საჯარო რეესტრში“ სარეგისტრაციო ნომერი 23184601;
საიდენტიფიკაციო კოდი 438107460. ტირაჟი – 300
რედაქციის მისამართი: ქ. საგარეჯო,
დ. აღმაშენებლის ქ. № 15,
გაზეთი აიწყო და დაკაბადონდა შპს „გარეჯის მაცნე“-ში
დაიბეჭდა თბილისში, გამომცემლობა შპს „კოლორ პრეს“-ში.
ტელეფონი: 599 851 143
ელ. ფოსტა: garejismacne11@gmail.com